

**Okwukwo izi  
ke Ebo  
Polu gbaznennu  
Ele Teshalonika**

**Nhne gbasiri okwukwo izi ka**

Polu panizoru notunu Chiokike mmamma kwnornu okwnata mkpoma nu owhnun'anya ele Teshalonika ke nooso oso ige obula (1:3). Obu n'ezi nu be naagawhe agida mmekpehni, Polu naakanu be nu Chiokike notule okwnata mkpoma be nwernu nu hne o zi, o za naata be awhnunwhnu (1:4,5).

Be whnuru okwukwo izi ke otu badnu karu nu Polu gbaru, ke nookwu nu Nyenwe a valen (2:2). Kovu Polu nododo be aka nu nsni be kweko nye obula duwhu be, kwnornu nu Nyenwe a java tem "nye ojo wam" whuya iwhe (2:3).

Polu jiri okpukpe mesni okwukwo izi ka (3:16).

**Nhne zi n'okwukwo izi ka**

Obekwu ikwu (1:1,2)

Otu mmamma nu okpukpe (1:3-12)

Nyenwe a yavave (2:1-12)

Buru nye be kwesiri okwnata mkpoma (2:13-17)

Kpe okpukpe, nu masi ernu (3:1-15)

Okpukpe ipne-aznu (3:16-18)

<sup>1</sup> Mawa, Polu, nu Sailasi nu Timoti naagba okwukwo gbaznenu ogbako Chiokike ke zi nu Teshalonika, anu ele Chiokike Nda a nu Nyenwe a Jizosi Karaisi.

2 Oru nū udno ke hi n'aka Chiokike Nda aī nū Nyenwe aī Jizōsi Karaīsi dazigidnenu anū.

*Ọtu mmamma nū okpukpe*

3 A kwesiri nọtunu Chiokike mmamma nū risi anū ige ọbula, ke kakwo kwnornu nū ọkwnata ovu anū nooso oso kpakara ọbochi lele kpa ọwhnun'anya anū nooso masi oso n'ehni ibne anū.

4 A ji anū noolu ọnu n'esilawuru ọgbako Chiokike kwnornu nū ọkwnata ovu anū gwuzo kwem nū ruwhnu ọkpakna ehni nū nhne ọrnurna anū naagawhe.

5 Ka neegesi nū ikpe Chiokike zī snam, ke kpararu, be jọogwnusi anū nū ele kwesiri ọ bna ẹli-eze Chiokike ke anū kwno naata awhnūwhnu.

6 Chiokike bụ nye zī snam. O jaakpakna ele naakpakna anū ehni.

7 O jeeme anū ele be naakpakna ehni zukwaru inwe, ma aila masi. Ka jọobu nga Nyenwe aī Jizōsi jaava hite n'oligwe, ya nū ele enine izi a zī rikne nū lele bẹkwnu noowu va-a-a.

8 Ọ jaata kpakara ele máa Chiokike awhnūwhnu nū ele zá noobno nsnī izi ọma gbasiri Nyenwe aī Jizōsi.

9 Ọ jaata be awhnūwhnu ọkwnukokwnu, chīma be nū ruwhnu Nyenwe aī nū igwugwu ke iknernema a.

10 N'ọbochi ọ jaava, ele ke a zī nsọ nū kpakara ele kweru nū ya jeenye a igwugwu, jaa a mma. Anū joosno ele kweru ekwe kwnornu nū anū kweru izi ọma a znirni anū.

11 Ka bụ nhne a vu n'ovu neekpenu anū okpukpe ige ọbula, ma Chiokike aī gwnūsi anū ele kwesiri osukwu ikwu a, hite n'iknernema a mee kpakara

nhne ọma anụ vu n'echiche mezu nụ kpakara nhne anụ neeme bụru nhne hi n'ọkwnata ovu.

<sup>12</sup> Ka bụ ma be znarnị rẹwhna Nyenwe aị Jizọsi kwnornu nụ anụ, ma anụ kwnornu ya, hite n'oru Chiokike aị nụ Nyenwe aị Jizọsi Karaịsi.

## 2

### *Badnu wam ke noolulu Iwu*

<sup>1</sup> Nhne gbasiri ọvuva ke Nyenwe aị Jizọsi Karaịsi nụ kpa a jeezneknwusi a, a naariasno anụ rụmu nda aị,

<sup>2</sup> mkpọma lákọ anụ mini, ogwnu túko anụ kwnornu agwna izi ọwhnurninya, mọbu izi berere, mọbu ọkwukwo izi be naakaa nụ a gbarụ, ke naakaa n'ọbochi Nyenwe aị jeehieha whelem.

<sup>3</sup> Anụ kwé nye ọbula duwhu anụ n'apna ọbula, kwnornu nụ ọbochi Nyenwe aị jeehieha jáava tem okne olulu wam nụ nye wam noolulu iwu va. Nye wam bụ nye Chiokike jaata awnụwhnu ọkwnukokwnu,

<sup>4</sup> O joovulizọ ẹhni a olu megidne kpakara chi ele badnụ neekpenu. O joogwuzote ẹhni a n'Ọro Nso Chiokike kaa nụ ọ bụ Chiokike.

<sup>5</sup> Anụ chenwanya nụ m kannụ m anụ nhne ka nga me nụ anụ zị.

<sup>6</sup> Anụ magwụ nhne noobnosni a ma ọ gharụ ọ whụya iwhe kịtna, kọvu be jeegesi nye ojo wam n'ige kwesiri.

<sup>7</sup> Kwnornu nụ rikne nye wam noolulu iwu nọornu ẹnu nụ mgwugwa kịtna, kọvu nye wam ke noobnosni a jaazi kọriri noobnosni a tem be gweme a n'apna.

<sup>8</sup> Ige wam be jookpume nye wam noolulu iwu, nye Nyenwe aị Jizọsi jeeji inwe ke ọnu a gbu nụ hite n'onwu va-a-a ke ọvuvu a.

<sup>9</sup> Nga nye wam noolulu iwu jaava, Ekwensu jeegesi ọnu ndu-ehni ọ kpahie anya zị ọdo n'ọdo nụ nhne elekema nụ ọnu tị n'anya,

<sup>10</sup> nụ kpakara ọnu ọjọ o jeeji nooduwhu ele nọonwu ọnu. Be whu etekne kwnornu nụ be kwéle o kweru ezi ọka ma Chiokike znọhia be.

<sup>11</sup> Kam kpayarụ, Chiokike ziznenu be rikne o mee nhne búo ọma ma be kweru aghalaghala,

<sup>12</sup> ka bụ ma kpakara ele kwéle o kweru ezi ọka, ele whnurnu aruru-ẹli n'anya bụru ele ikpe Chiokike marnụ.

### *Gwuzosi rikne*

<sup>13</sup> Kọvu a nọtunu Chiokike mmamma ige ọbula kwnornu anụ rụmu nda aị, ele Nyenwe aị whnurnu n'anya. Hite n'ọpanizo, Chiokike họhiaru anụ ma ọ znọhia anụ hite n'ọnu Enine Nsọ ke neeme anụ ziri nsọ, kwnornu nụ anụ kweruru ezi ọka.

<sup>14</sup> Kam kpayarụ, o sukwuru anụ hite n'izi ọma aị, ma anụ kehia igwe n'igwugwu Nyenwe aị Jizọsi Karaịsi.

<sup>15</sup> Rụmu nda aị, anụ gwuzoru kwem, anụ jikwasi nhne a znirni anụ rikne, hite n'ikwu-ọnu mọbu ọkwukwo izi a gbarụ.

<sup>16</sup> Kịtna, Nyenwe aị Jizọsi Karaịsi n'iwhuru a nụ Chiokike Nda aị, nye whnurnu aị n'anya, hite n'oru o nyernu aị nụ olile anya bụru ọma, mee a gwuzosi rikne,

<sup>17</sup> gba anụ inwe, mee anụ gbasị rikne nụ kpakara ọnu ọma nụ ikwu-ọnu.

### 3

#### *Anu kpenu aị okpukpe*

<sup>1</sup> Ke ipne-aznụ, rụmu nda aị, anụ kpenu aị okpukpe ma izi Nyenwe aị gbasá k'agída, nwernu masị igwugwu a lele kpa ọ zị n'esilawuru anụ.

<sup>2</sup> Kpe masị ma Chiokike dọhia aị n'aka ele ojo nụ ele aruru-eli, kwnornu nụ ọ búo kpakara badnụ nwernu ọkwnata ovu.

<sup>3</sup> Kọvu Chiokike bú nye kwesiri ọkwnata ovu, o jeenye anụ rikne, kpusni anụ hite n'aka nye ojo wam.

<sup>4</sup> A túkwasiri Nyenwe aị mkpọma nụ anụ zị kọriri neeme neezne nụ ruwhnu kpakara nhne a nyernu anụ n'iwu.

<sup>5</sup> Nyenwe aị duru mkpọma anụ dụ n'ọwhnun'anya Chiokike nụ ọsnuta mkpọma ke zị nụ rime Karaịsi.

#### *Ọ dọ aka nụ nsị gbasịri ime mgwụ*

<sup>6</sup> Rụmu nda aị, a jí rẹwhna Nyenwe aị Jizọsi Karaịsi neenye anụ iwu, anụ zeru nnwọ nda ọbula ke bú nye ime-mgwụ, nye zá noowu búdnú lele kpa nhne a znirni anụ.

<sup>7</sup> Kwnornu nụ anụ magwụ kpa anụ kwesiri o snornu nhne atụ aị. A búo ele ime-mgwụ nga aị nụ anụ zị.

<sup>8</sup> A ríge wiri nye ọbula ke a kwúla ọgwo. Tnụnuma, a dọgburu ẹhni aị n'ẹrnu iwhnehnie nụ abalị, nọornu ẹrnu ma a gharu ọ búru ivu rinya nyee anụ.

<sup>9</sup> Ka búo nụ a nwée rikne nahọru anụ nhne, kọvu ma a búru ele anụ jọomuhia nhne n'aka be.

<sup>10</sup> Nga aị nụ anụ zị, a znirni anụ nhne ka, “Ọ búru nụ nye ọbula jọornu ẹrnu, o rí wiri.”

11 A nonu nu agwna ele badnu dazi etekne, be mee nhne obula, ele nookwu oka gbasiila be.

12 A ji rewhna Nyenwe ai Jizosi Karaisi neenye be iwu, be gbasiri rikne, rnuhia nhne be jeeri.

13 Rikne gwu anu rumu nda ai n'ome nhne buru oma.

14 Nye obula ke za naabita nhne a gbaru n'okwukwo izi ka, anu hnata nye wam ama. Anu nu nye wam meko nhne obula, ma iwhnerne tu a.

15 Kovu anu mee be ele irno anu, anu zni be ezni lele rumu nda.

### *Obekwu ikwu ipne-aznu*

16 Kitna, Nyenwe ai ke udno n'iwhuru a nyee anu udno ige obula n'apna obula. Nyenwe ai dazigidnenu kpakara anu.

17 Mawa, Polu, ji aka m gba obekwu ikwu ipne-aznu ka. Ka bu nhne neegesi nu mawa gbaru obekwu ikwu ipne-aznu ke me gbaru.

18 Oru Nyenwe ai Jizosi Karaisi dazigidnenu kpakara anu.

## **Tesitamenti Ikne n'O<sub>nu</sub> Ikwere** **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwerre - (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### **Copyright Information**

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

### **The New Testament**

in Ikwere

© 2010, The Nigeria Bible Translation Trust.  
**All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files dated 29 Jan 2022

c17ee3a1-1c7a-5c05-8e0f-5043e8228d89